



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola VIII. Alexandri Papae III. Ad Evmdem. De munere legationis apostolicae Cantuariensi concedi solito, Eboracensi episcopo ad instantiam regis sine praeiudicio Cantuariensis concesso.

urn:nbn:de:hbz:466:1-15588

EPISTOLA VII.

ALEXANDRI PAPÆ III.

AD THOMAM CANTVARIENSEM
ARCHIEPISCOPVM.

Eum a iuramento de consuetudinibus Anglicanis , de quibus infra in Clarendonensi Concilio , immunitati ecclesiasticæ repugnantibus obseruandis absoluit.

Alexander episcopus seruus seruorum Dei , &c.

Ad aures nostras fraternitas tua nouerit esse perlatum , &c. Extat in actis Clarendonensis Concilii anno 1164.

EPISTOLA VIII.
ALEXANDRI PAPÆ III.
AD EVMDEM.

De munere legationis apostolicæ Cantuariensi concedi solito , Eboracensi episcopo ad instantiam regis sine præiudicio Cantuariensis concessso.

Alexander seruus seruorum Dei dilecto fratri Thomæ Cantuariensi archiepiscopo salutem & apostolicam. benedictionem.

ET SI pro animi tui prudentia & fidei sinceritate perso-
nam tuam vberiori dulcedine caritatis & flagrantiori
desiderio velimus semper diligere , & honori & exaltatio-
ni tuæ sicut carissimi fratris nostri ardenteri animo aspi-
rare , nos tamen & te ipsum , qui magna columna es ecclæ-
siæ , cautijs conuenit temporum qualitatem attendere , &
prouida dispensationis moderatione motum principis de-
linire . Nouit siquidem industria tua , cui diuina dispen-
satio magna prudentiæ & gratiæ donum indulxit , quoniam
* feruentem dispositionem circa regni sui gubernationem
carissimus in Christo filius noster Henricus illustris rex
Anglorum defendat , & eamdem velit dispositionem , vt
firmior habeatur , & habeat maiorem fauorem , auctorita-
te Romanæ ecclæ roborari . Vnde cum olim per vene-
rabilem

rabilem fratrem Lexouensem episcopum, & dilectum filium nostrum Pictauensem archidiaconum, a nobis & fratribus nostris instantius postulasset legationem totius Angliae Eboracensi archiepiscopo indulgeri, & tam tibi quam vniuersis episcopis mandari rogasset, ut antiquas regni sui consuetudines & dignitates conseruaretis: nobis eius petitiones præter suum arbitrium moderantibus, statim post redditum nuntiorum suorum, vix audito quod a nobis reportauerant, dilectos filios nostros Gaufredum archidiaconum suum, & magistrum Ioannem, ad nostram præsentiam destinavit, & per eos quod prius petierat, & amaria, a nobis instantissime postulauit. Et ut suo desiderio faciliorem animum præberemus, fraternitatis tuæ, prædicti episcopi Eboracensis ad nos literas impetravit.

Quod enim de antiquis consuetudinibus & dignitatibus conseruandis prius mandari rogauerat, nuper, sicut tu & alii obseruare promiseratis, ea cum multa instantia petit auctoritate apostolicæ sedis sibi & suis posteris confirmari. Sed nos petitionem istam nequaquam admisimus: verumtamen, ne ad nimiam amaritudinem & vehementiorem animi turbationem eum circa nos & teipsum provocaremus, ne etiam id consideratione tui putaretur quomodolibet impediri, nos tibi & nobis (ne forte in maiorem calorem iracundia aduersus te exardesceret) consultius prouidere volentes, & pensantes tempora periculosa, legationis literas præfato archiepiscopo concedendas eidem regi concessimus. Quoniam vero votis principum descendendum est, & suæ contemperandum voluntati, prudentiam tuam monemus, consulimus, & omnimodis exhortamur, quatenus sicut vir prouidus & discretus necessitatem temporis metiens, & quæ inde tibi & ecclesiæ tuæ possint prouenire peruersa, fideli meditatione attenus, prænominato regi in omnibus & per omnia, salua honestate ecclesiastici ordinis, deferre fatigas, & eius tibi gratiam & amorem incessanter recuperare intendas: ne secus faciendo eum contra te & nosmetipso conturbes, & ii, qui non eodem spiritu ambulant, tibi & nobis valeant propter hoc insultare. Nos enim, data nobis opportunitate, de honore & augmentatione tuo cum eodem rege diligenter ac sollicite conferemus; & circa conseruanda & iura &

Concil. Tom. 27.

ii

250 ALEXANDRI PAPÆ III.

dignitates ecclesiæ tuæ, necessariam diligentiam adhibemus & cautelam, quam conuenit adhibere. Datum Se nonis IIII. Nonas Martii.

EPISTOLA IX.
ALEXANDRI PAPÆ III.
AD EVMDEM.

Eum angustiis pressum consolatur.

Alexander seruus seruorum Dei dilecto fratri Thomæ Cantuariensi archiepiscopo salutem & apostolicam benedictionem.

QVONIAM dies mali sunt, & multa sunt pro qualitate temporis toleranda, discretionem tuam rogamus, monemus, consulimus, & suademus, vt in omnibus tuis & ecclesiæ agendis te cautum, prouidum & circumspectum exhibeas, & nihil propere vel præcipitanter, sed mature & grauiter, facias, ad gratiam & benevolentiam illustris regis Anglorum recuperandam, quantum salua libertate ecclesiæ & honestate officii tui fieri poterit, & enitaris modis omnibus & labores, vt vsque ad proximum pascha eundem regem sustineas; ita quod nihil in eum vel terram ipsius vsque ad præscriptum tempus studeas exercere. Tunc enim Dominus dabit tempora meliora, & tam tu quam nos tutius poterimus in facto ipso procedere.

EPISTOLA X.
ALEXANDRI PAPÆ III.
AD HENRICVM REGEM ANGLIÆ.

De immunitate ecclesiastica non violanda: & clericis ad tribunal sacerdotiale non trahendis.

Alexander episcopus seruus seruorum Dei Henrico illustri Anglorum regi salutem & apostolicam benedictionem.

ETSI circa nos & matrem tuam ecclesiam sacrofante, etiam filialis in te deuotio aliquatenus videatur tepuisse, paternum tamen affectum circa te vel regnum tuæ gubernationi commissum nullo tempore deseruimus. Tua ergo serenitas, quod amici verbera potiora, quam inimici oscula existant, diligenter aduertens, consideret studiosius